


Umana

Umanas moderna (*Homo sapiens*, suspesie xef: *Homo sapiens sapiens*) es la sola miembros existente de la subtribu *Hominina*, cual es un ramo de la tribu *Hominini* (ominines), cual es relatada a la familia de *primates grande*. Los es marcada par posa erijeda e move bipede; destrosia alta de manos e usa grande de utiles cuando on compara esta a otra animales; e un tende jeneral a *serebros* e *sosias* plu grande e complicada.

Ominines primitiva – spesial la *australopithecus*, de ci sua serebros e anatomia ia es plu simil a *primates nonumana* en multe modos – es min comun regardada como "umana" ca la ominines de la jenero *Homo*. Alga de esta ominines ia usa foco, ia ocupa multe de Eurasia, e ia es la orijina de *Homo sapiens* anatomial moderna a sirca 200 000 anios en la pasada. Los ia comensa mostra indicas de condui moderna a sirca 50 000 anios en la pasada. En alga ondas de migra, umanas anatomial moderna ia veni de *Africa* e ia popla la plu de la mundo.



La estende de umanas e sua popla grande e cresente ia ave un efeto profunda sur areas grande de la ambiente e millones de spesies nativa tra la mundo. Vantajes cual umanas ave cual esplica esta susede evolual inclui un serebro relativa plu grande con un *neocortex*, un *cortex prefrontal* e *lobes tempal* spesial bon developada, cual capasi niveles alta de *razona* astrata, *lingua*, *solve de problemas*, *sosialia* e *cultur* par aprende sosial. Umanas usa *utiles* multe plu ca otra animales, e es la sola spesie existente cual construi focos e *cocce* sua *comeda*. Los es ance la sola spesie cual *vesti* se, e crea e usa multe otra *tecnolojia* e *artes*.

Retraeda de "<https://fn.wikipedia.org/w/index.php?title=Umana&oldid=16527>"

La edita la plu resente de esta paje ia es a 5 junio 2018, a 09:06

Testo es disponeda su la *Lisensa Attribution-ShareAlike* de *Creative Commons*; plu restrinjes pote pertine. Vide *Contrata de usa* per detalias.